



Mónica González Pavón, secretària generau deth Conselh Generau d'Aran,

## CERTIFIQUI:

Que segontes Decret de Sindicatura num. 0201/2023, de 23 d'abriu, s'a adoptat era següenta resolucion, era còpia literau dera quau ditz:

“Maria Vergés Pérez, sindica deth Conselh Generau d'Aran, en tot hèr usatge des facultats que me conferís er article 29.4 dera Lei 1/2015, de 5 de hereuèr, deth Regim Especiau d'Aran,

## EXPOSICION DE MOTIUS E MARC NORMATIU

Dat qu'era competència deth Conselh Generau d'Aran ena regulacion, autorizacion e abilitacion entara circulacion motorizada en miei naturau se fundamente enes articles 21, 47, 61.1 e 62.4.e) dera Lei 1/2015, de 5 de hereuèr, deth Regim Especiau d'Aran, atau coma enes Decrets de transferéncia de competéncias e servicis dera Generalitat de Catalunya ath Conselh General d'Aran; Decret 288/1997, de 31 d'octobre (DOGC num. 2518, de 14.11.1997), Decret 150/1999, d'1 de junh (DOGC num. 2906, de 09.06.1999), Decret 365/2000, de 7 de noveme (DOGC num. 3271, de 22.11.2000), e Decret 368/2001, de 18 de deseme (DOGC num. 3546, de 04.01.2002), Decret 54/2019, de 11 de març, e en marc des convènis de collaboracion entre eth Conselh Generau d'Aran e es ajuntaments e EMD d'Aran propietaris des forest d'utilitat publica dera Val d'Aran, e dera Llei 9/1995, de 27 de junhsèga, de Regulacion d'Accès Motorizat en Miei naturau (DOGC num. 2082, de 2 d'agost de 1995) e eth sòn desvolopament normatiu per Decret 166/1998, de 8 de junhsèga, de regulacion der accés motorizat ath mie naturau.

Dat qu'en aguest marc competenciau eth Conselh Generau d'Aran aprovèc en data d'1 de deseme de 2000 era Ordenança Reguladora der Accés Motorizat ath Miei naturau en Territòri dera Val d'Aran, eth tèxte intègre dera quau se publiquèc en BOP de Lleida num. 12, de 27 de gèr de 2001, BOP de Lleida num. 91, de 3 de junhsèga de 2012 e BOP de Lleida num. 166, de 28 d'agost de 2017.

Vist qu'en desvolopament d'aguesta ordenança s'aprovèren es annexes ara ordenança (der I ath VII), damb es corresponentes revisions annaus de tot er articulat qu'afècte ara normativa entà regular er accés motorizat ath miei naturau dera Val d'Aran ,

Vist qu'era experiéncia aquerida pendent era vigéncia dera Ordenança reguladora der Accés Motorizat ath Miei Naturau en territòri dera Val d'Aran e des sònns annexi, a motivat era modificacion ath long d'aguesti ans des corresponents tèxtes articuladi entà adaptar-les ara realitat, as cambis sociaus, toristics e legislatius e entà dar responsa as besonhs e problematiques vinculades ar accés ath miei naturau dera Val d'Aran.

Vist qu'er article 130.1 dera Lei 39/2015, d'1 d'octobre, deth Procediment Administratiu Comun des Administracions Publiques, establís que *“las Administraciones Públicas revisarán periódicamente su normativa vigente para adaptarla a los principios de buena regulación y para comprobar la medida en que las normas en vigor han conseguido los objetivos previstos y si estaba justificado y correctamente cuantificado el coste y las cargas impuestas en ellas”*.



## Conselh Generau d'Aran

Vist qu'era aprobacion dera Lei 39/2015, d'1 d'octobre, deth Procediment Administratiu Comun des Administracions Publiques, a supausat ua modulacion deth procediment administratiu, especiaument per çò que hè ara tramitacion electronica, as drets des interessats e ath regim d'autorizacions administratives, pera quau causa cau adaptar era ordenança vigenta ad aguest regim juridic en vigor.

Vistes es prepauses der airau de miei ambient e der airau de torisme deth Conselh Generau d'Aran.

Cossent damb tot çò expausat e çò previst enes articles 8.a) e 178 e següents deth Decret Legislatiu 2/2003, de 28 d'abriu, peth quau s'apròve eth Tèxte Rehonut dera Lei Municipau e de Regim Locau de Catalunya, e cossent damb es previsions der article 49 e següents dera Lei 7/1985, de 2 d'abriu, Reguladora des Bases deth Regim Locau, 60 e següents deth Decret 179/1995, de 13 de junh, peth quau s'apròve eth Reglament d'Òbres, Activitats e Servicis des Ens Locaus, , 127 e ss dera Lei 39/2015, d'1 d'octobre, deth Procediment Administratiu Comun des Administracions Publiques, e 10.1.a) e 10.1.c) dera Lei 19/2014, deth 29 de deseme, de Transparéncia, Accés ara Informacion Publica e Bon Govern, e dat qu'era aprobacion daguest acòrd ei competéncia deth Plen deth Conselh Generau d'Aran,

Cossent damb tot çò expausat,

### È RESOLVUT:

**PRUMÈR.-** Instar e impulsar er expedient entà procedir ara aprobacion dera *Ordenança Reguladora der Accés Motorizat ath Miei Naturau en territòri dera Val d'Aran*, en sentit de sistematizar, simplificar, armonizar, ordenar e garantir era seguretat juridica en aguesta matèria.

**DUSAU.-** Ordenar era realizacion d'ua consulta publica, per un periòde de 15 dies obrants, damb caractèr prealable ara elaboracion deth projècte de regulacion dera *Ordenança Reguladora der Accés Motorizat ath Miei Naturau en territòri dera Val d'Aran*, damb er objectiu de recuelher era opinion des ciutadans/es e organizacions mès significatives potenciauments afectades pera futur regulacion, en compliment d'aquerò que dispause er article 133 dera Lei 39/2015, de Procediment Administratiu Comun des Administracions Publiques.

Era consulta s'amiarà a tèrme mejançant era sedença electronica deth Conselh Generau d'Aran en relacion damb:

- a) Problèmes que se pretenen solucionar damb era iniciativa.
- b) Besonh e oportunitat dera sua aprobacion
- c) Objectius deth reglament
- d) Possibles solucions alternatives reguladores e non reguladores.

**TRESAU.-** Notificar aguest acòrd as persones interessades.



## Conselh Generau d'Aran

QUATAU.- Contra aquest acte de tramit, que non exaurís era via administrativa, non procedís interpausar cap tipe de recors, sense perjudici dera possibilitat d'interpausar posteriorament es recorsi corresponenti contra er acòrd d'aprobacion definitiva.”

E, entà qu'atau cònte ar efècte oportun, signi aquest certificat d'orde e damb eth vistepplatz dera Sindica.

Vielha, *signat electronicament*

Vist e platz  
Era Sindica

Maria Vergés Pérez